

KOERSVAS

Jaargang 5 Uitgawe 112 2 Junie 2017

In hierdie uitgawe:

Redaksioneel

Berigte en Kennisgewings



REDAKSIONEEL

Gereformeerde of gearriveerde

Tydens 'n onlangse byeenkoms van Gereformeerdes het een geleerde opgemerk dat 'n mens net tot so ver kan reformeer en dan is jy Gereformeerde. Die opmerking is gemaak na aanleiding van die Reformasie weskroep: *ecclesia reformata, semper reformanda* - hervormde kerk moet altyd weer hervorm. In die 20e eeu is die woorde '*secundum verbum Dei*' – aan die hand van die Woord van God – bygevoeg.

Dit is duidelik dat die reformasie sekere eise aan gereformeerdes stel. Die teologiese trajek waarop ons beweeg, is 500 jaar oud en daar is genoeg voorbeelde van leke en geleerdes wat verval in kettery of terugval na Roomse teologie. "Hervormer" is meer as net 'n naam. Dit is 'n proses, 'n lewensingesteldheid. Die eerste tree nadat perfeksie bereik is, is verval. Anders gestel, in hierdie bedeling gaan agteruitgang en die skewe gang van gedagtes telkens plaasvind en dit moet reggestel word.

Die punt wat gemaak word, is dat daar deurlopend die regte soort van hervorming moet plaasvind. Hervorming om hervormingsontwil is dwaas en word die karpere vir almal wat 'n kosbare tradisie wil

skeeftrek. Die probleem lê skynbaar aan die een kant by die *semper* – altyd. Aan die ander kant is daar 'n (doelbewuste) misverstaan van die weskroep. Soms gebeur dit dat 'n sekere probleem of teologiese skeeftrekking nooit aangespreek word nie. Soos die fabel van 'n gesin wat deur 'n lastige spook getreiter is. Moedeloos het die familie besluit om te verhuis en die huis vir die spook te laat. Op die dag van afskeid vra die buurman so ewe: "Wat maak julle?" Die spook steek toe sy kop by die motor se venster uit en sê: "Ons trek!"

Enige hervorming wat nie probleme of skeeftrekkings aanspreek nie, is sinloos. Dit is goed dat die weskroep tot altyd hervorm, gekwalifiseer word deur na die Bybel te verwys. Die Bybel was die bron van inspirasie vir die eerste hervormers. Dit moet vandag steeds die geval wees. Die selfkritiese ingesteldheid is eie aan Protestante. Krities na aanleiding van dit wat in die Bybel staan. Hervormers moet telkens krities na hulle eie denke en optrede kyk, altyd gereed wees om 'n gedagte of woord teen die Skrif te toets. 'n Ingesteldheid wat daarop fokus om elke optrede en gedagte te toets, gee gehoor aan die weskroep. Om telkens te hervorm, verwys na 'n ingesteldheid wat elke tree van die geloofspad toets. Met die wederkoms

sal ons gearriveerd wees; tot dan is ons voorland om telkens te toets en hervorm.

BERIGTE EN KENNISGEWINGS

GEMEENTENUUS BEROEPENUUS

Ds Gawie Wolmarans van Oostelike Pietersburg het 'n beroep ontvang na gemeente Wilge in Potchefstroom.

Hy het besluit om die beroep te aanvaar. Sy afskeid van Pietersburg is 25 Junie 2017 en sy amptelike ontvangs te Potchefstroom geskied op Saterdag 20 Julie 2017.

KENNISGEWING: BONDSVERGADERING 2017 SCHWEIZER RENEKE

Geagte Kerkraad,
Volgens die reglement van orde moet die sakelys van die Bondsvergadering minstens 1 maand voor die aanvang van die vergadering aan alle afgevaardigdes versend word. Met die oog op die samestelling en finalisering van die sakelys word die volgende sake onder u aandag gebring.

BESKRYWINGSPUNTE

Alle beskrywingspunte moet ds Frans Marais (skriba@geloofsbond.org.za) teen **19 Junie 2017** bereik. U word versoek om asseblief die aangehegte formaat te gebruik wanneer u, u beskrywingspunt saamstel. U word verder versoek om u beskrywingspunt so te formuleer asof dit 'n besluit is wat die vergadering neem en verder dat daar by elke beskrywingspunt 'n **deeglike motivering** aangebied word waarom die vergadering so 'n besluit moet neem. Om die vergadering sinvol in te rig, word elke kerkraad en komitee versoek om ernstig aan genoemde saak aandag te skenk.

VERSLAE

Elke komitee van die Geloofsbond word herinner aan die verslae wat in die sakelys vir die Bondsvergadering opgeneem moet word. Hierdie verslae moet volledig terugvoering gee van werksaamhede verrig gedurende die jaar. Indien die verslae enige voorstelle en besluite bevat wat deur die vergadering goedgekeur of bespreek moet word, word u versoek om die voorstelle en besluite duidelik in die verslag aan te dui om dit sodoende makliker te maak vir die voorsitter om die besluite en voorstelle aan die vergadering te stel.

Hierdie verslae moet ds Frans Marais (skriba@geloofsbond.org.za) teen **19 Junie 2017** bereik.

ADMINISTRASIE

Met die oog op die administrasie verwys ek u graag na die skrywe gedateer 6 April 2017. U word daaraan herinner dat alle geloofsbriewe die skriba voor of op 28 Mei 2017 moet bereik.

Die volgende reëlings is van toepassing: DATUM 3; 4 & 5 September 2017.

PLEK Gemeente Schweizer Reneke.

SITTINGS-URE Registrasie vind plaas op Sondag 3 September vanaf 16h00. Sittings-ure sal gefinaliseer word.

KOSTES R550/afgevaardigde

KURATORIUMSAKE

Koersvas het die volgende skrywe ontvang. Ons opregte dank vir die inligting:

Op die Kuratorium vergadering van 16 Mei 2017 is die volgende besluit geneem:

Ds MJ Swart is as predikant van die Geloofsbond geakkrediteer en sal in Bloemfontein behulpsaam wees.

Die Kuratorium is tans besig om 'n akkreditasie prosedure vir predikante saam te stel.

Groete,
Ouderling Pieter Geyser - Sekretaris

LEWENSbroOD 2018/2012

Predikante moet asseblief onthou om hulle bydraes nou te voltooi. Daar is twee weke oor voor die keerdatum. Geen laat bydraes sal hierdie jaar geplaas word nie. Die keerdatum is 15 Junie 2017 voor 12:00

BYBELVASVRAE

Ds van Rooyen laat weet:

Bybelvasvra 2017

Geagte Leraar, ouderlinge, diakens en lidmate

Eerstens baie dankie aan al die gemeentes wat reeds reageer het. Daar is 10 gemeentes wat geantwoord het op die eerste skrywes, waarvan 8 gemeentes wel gaan deelneem, met 'n totaal van 20 spanne wat reeds ingeskryf het. Dit is verblydend dat die deelname vanjaar so goed lyk.

Indien u gemeente reeds reageer het, ignoreer asb. hierdie versoek, maar die gemeentes wat nog nie reageer het nie, stel my asb. so gou moontlik in kennis van u deelname al dan nie, aan die Bybelvasvra vir 2017.

Stuur asb. vir my 'n e-pos met u gemeente naam en hoeveelheid spanne in elke kategorie na davr@vodamail.co.za

MAKWASBYEENKOMS 2017

Makwasbyeenkoms vir emeriti en enige ander belangstellende GHG-predikante te Premiemyn DV 9 Junie 2017.

Predikante en hul gades is ook welkom. Tydens die geleentheid sal die boekbekendstelling van "Ek en ons glo" plaasvind. Ons sal graag alle leraars

ontvang. U moes al u teenwoordigheid bevestig het.

KOMMENTAAR BESKIKBAAR

Die kern van die geloof wat ons bely, is reeds meer as 20 eeue oud. Tog stem ons en die eerste Christene saam. Dit wat ons glo, is dit wat aan hulle toevertrou is en wat hulle geglo het. Hoe werk dit? "EK EN ONS GLO" is die boek wat ons help om ons eie belydenis te verstaan. Ons word ook by die werk en elders getoets oor ons geloof. Hierdie boek sal ons help om met oortuiging die waarheid aan almal rondom ons te verduidelik. Geskryf in verstaanbare Afrikaans, is hierdie boek 'n baie handige instrument in ons wapenrusting van die geloof.

Die kommentaar van die Apostolicum is beskikbaar @R140 per eksemplaar. jotto1@absamail.co.za.

082 767 7891 "EK EN ONS GLO:

OORNAG FASILITEITE

Villa Stoney B+B

Oornag in die rustigheid van die Bosveld !

Slegs 5km van die Zambezi Tolhek

- naby hospitaal en besighede-

Langtermyn akkommodasie ook beskikbaar in gemeubileerde kamers

Etes en wasgoed op afspraak

Ontbyt of kospakkies is altyd ingesluit by

Villa Stoney

Kontak Ina Steenkamp vir navrae en besprekings 0829082831 auri@mweb.co.za.

GELOOFBONDPREKE

Maak seker u bly op hoogte van die nuutste preke en gesprekke. Daar word elke Sondag nuwe Geloofsbondpreke op die internet geplaas.

<http://www.geloofsbond.org.za/>

Daar is ook preke op *whatsapp* beskikbaar. Kontak Yvette Otto by **072 223 7522** vir meer besonderhede.

DANKBUNDEL

Lidmate wat belangstel in prof HG van der Westhuizen se dankbundel moet met ds Jaap Steenkamp skakel.

GELOOFSBONDKWILT 2 (2017)

Die GHG dames se fondsinsameling is ten bate van ons teologiese studente. Lootjies is beskikbaar by u eie gemeente. (sien foto onder)

Elke gemeente word versoek om 3 of meer lyste se kaartjies te verkoop. Lootjies word tydens die GHG-byeenkoms getrek.

Hoe vorder u gemeente se lootjieverkope?
Het u al lootjies geneem?

Geloofsbond Kwilt 3 2017/2018

Blokke moet nou inkom. Kontak Ansie Steyn (083 630 1107)

DRUKWERK

Paul en Ella help graag met:

- Kalender
- Kwitansieboeke
- Offergawe boeke
- Dames Kwitansieboeke
- Konsistorieboeke
- Reklame plakkate en ander drukwerk

ella@teamworkprinters.com

UITNODIGING – BASAAR

5 AUGUSTUS 2017

Ons gemeente hou Basaar op die bogenoemde datum en wil u graag uitnooi om ons te ondersteun in hierdie groot poging. Daar sal genoeg te koop, te eet en te kuier wees. Die basaar word op ons kerkgrond gehou te H/v Fenter en Merz straat Heidelberg en begin reeds om 08:00. Daar is ook twee veilings, 'n lappop en 'n windbuks.

'n Pen maak vanuit hout, been word ook aangebied en dit behoort 'n baie interessante onderwerp te wees.

Daar is uitstallers van verskillende maatskappye wat sonkrag uitrusting, besparings van elektrisiteit, water suiwing en ander items waarna die boere en ook dorp bewoners sal kan besigtig.

Die gewone basaar produkte soos pannekoek, kerrie en rys, nagereg, braaivleis, produkte, naaldwerk en vele meer sal daar wees.

Vars gebakte brood op die terrein gebak !!

U ondersteuning en kuier sal hoogs waardeer en op prys gestel word.

Vriendelike groete,

Nico van Huyssteen

Skriba

Hervormde Kerk Suikerbosrand